



8. juni 2009

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquaqarpugut:

Apeqquaq: Royal Greenland A/S-ip aningaasaqarnera qanoq inissisimava?

(ATASSUT sinnerlugu Inatsisartuni ilaasortat: Finn Karlsen, Siverth K. Heilmann, Knud Kristiansen)

Tungavilersuut:

Naalakkersuisunngortitsiniarluni isumaqatigiinniarnermi ersersinneqarpoq Royal Greenland A/S aningaasarsiornikkut navianarluinnartumik inissisimalersimasoq, allaat 100 mio. kr.-ilikkaanik nunatta karsianit tunineqanngikkuni akiliisinnaajunnaarsinnaasoq.

ATASSUT sinnerlugu naalakkersuisooqataanitsinni, allaammi Inuit Ataqtigiiit Naalakkersuisooqataanerisa nalaanili, aarleqqutigisimavarput pasitsaassimallutigulu Royal Greenland A/S aningaasarsiornikkut navianartorsiortoq, erseqqissumillu piumasarisimavarput suliffeqarfissuaq piaartumik misissuiffigineqartariaqartoq, tamannali ajoraluartumik naalakkersuisooqatigisatsinnit qisuariarfigiumaneqarsimanngilaq.

Paasivarput november 2008-mili RG-p aningaasaqarnikkut ajornartorsiungaarnera Namminersornerullutik Oqartussanut apuunneqarsimasoq, paasisinnaanngilluinnakkatsinnilli, pasitsaassatta aarleqqutigisattalu

ilumoorisimaneraniq uppersaataasoq, nalunaarut uagutsinnut naalackersuisooqataasunut ulloq manna tikillugu apuunneqarsimanngilaq.

Taamaammatt makku akissutiserusuppagut:

1. Royal Greenland A/S-ip aningaasaqarnera qanoq inissisimava?
2. Royal Greenland A/S-ip ajalusuulerneru pillugu Naalackersuisut siulittaasuata ataani Siulersuisunut allattoqarfik qanga ilisimasaqalersimava?
3. Aalisarnermut Piniarnermut Nunalerinermullu Naalackersuisoqarfik pissutsit taamak inissisimalersimanerannut qanga ilisimasaqalersimava?
4. Paasinarsimmat Royal Greenland A/S aningaasarsiornikkut ajorluinnartumik inissisimalersimasooq piginnittut tungaannit qanoq suleriartoqarsimava?
5. Royal Greenland A/S annaanniartuq qanoq iliuuseqartoqassamaarpa?

Inuiaqatigiit aningaasaqarnikkut ajornartoortinneqarlunnarsinnaaneratt aarleqqutiginnartat piaartumik isertuaatsumillu akineqarnissarput piimasaraarput.

Inussiarnersumik inuulluaqqusilluta

ATASSUT sinnerlugu Inatsisartuni ilaasortat Finn Karlsen, Siverth K. Heilmann aamma Knud Kristiansen